

國子監志

國子監志卷七十七

藝文志十一

應

制進冊

嘉慶三年

仁宗睿皇帝釋菜臨雍講學禮成恭紀

頌
謹序

朱珪

皇帝奉

太上皇帝敕諭於嘉慶三年春二月仲丁

幸太學

釋菜於

至聖先師遂

臨辟雍開講筵

御論大學之道在明明德在新民在止於至善易臨之
大象傳君子以教思无窮容保民無疆各一篇
所以崇學章教甚

盛典也臣蒙

恩奉職在外久違講席不獲與於圓橋觀聽之列翹仰
抒慕不能自己竊惟大學本修身而明明德於

天下。天子之學也。知臨大君之宜。天子之教也。
愛敬盡於事親。而德教加於百姓。刑於四海。天
子之孝也。

皇帝學古時敏。朝夕孜孜。親承

太上皇帝之

心傳

身教。學莫大焉。教莫備焉。孝莫純焉。至誠大順。條貫萬
幾。以篤

天保而申

壽屋。是德福之總也。臣伏繹大學一書。賅本末貫始終。朱子釋之曰。明德為本。新民為末。知止為始。能得為終。以經解經。則曰修身為本。大畏民志。此謂知本。又曰德者本也。財者末也。未有好仁而下不好義者也。未有好義其事不終者也。為君為臣為父為子。各止於至善。是謂得止也。又言得眾則得國。善則得天命。忠信以得大道。此四得者。與中庸所言四得。必有於大德。其義相通。而其要在知所先後。然則修身之本。莫先於

孝矣。知止之始。莫切於孝矣。

太上皇帝有大德而備四得。

皇上尊聞行知。深思大學四得之本。則學日緝熙於光明矣。其在詩曰。雖雖在宮。肅肅在廟。不顯亦臨。無射亦保。鄭康成箋曰。宮謂辟雍宮也。詩之言臨保者。與易之言臨保亦相發明也。謹按易澤上有地。臨。臨自復來。而其進為泰。是陽長之卦也。以上臨下。未言政而先言教思。未言治而先言容保。教思則該乎政矣。容保則該乎治矣。諸

經之言臨者曰居敬而行簡以臨其民是坤以簡能之義也曰聰明睿知足以有臨也是知臨行中之義也曰予臨兆民奈何不敬是臨之以莊之義也書曰皇極之數言是訓是行是教思之說也曰有容德乃大曰若保赤子是容保之說也教民而保之則庶民保極矣能保惠於庶民則天保定爾矣惟我

太上皇帝敬

天愛民萬年一日風雨露雷無非教也真所謂无窮也

蠲復賑貸巨億億萬真所謂无疆也

功德邁乎堯舜而

老期不倦於勤真所謂敦臨也

皇帝敬承揆志真所謂肅雍而臨保也

勲華心傳觀於一家姬孔道統密於親炙超萬古所未
有慶億年而無極合至德敏德孝德以教國子
者至矣善矣曷以加茲謹獻頌曰

大清受

命體

天化行洪惟

世祖行義孝經

聖祖繼

志百卷集成四經三禮

作聖

述明

文武聖睿

太上皇帝百四十篇經義大備

耄期乾乾政訓事示

皇帝欽承聰聽哲視嘉慶戊午仲春仲丁大昕釋菜辟

雍講經

穆穆明明壽考老更濟濟多士環橋觀聽講義維何大
學綱領德本惟身厥修三省居高臨深六馭不
騁牖民保民惠迪思永石鼓在門石經在廡善
學維何

允文

允武其雨其陽賑壘蠲普善教維何民恃民怙

太上身教

皇帝維孝信

天得

天淳明克肖教民得民淳敘學校地容天保卑法崇效

一得四得如取如攜

天臨匪遠臨民念茲芻蕘之誠

聖哲不遺

聖學

聖教孝惟攷攷

化源論

紀昀

臣聞箕子演疇。稱是彝是訓。于帝其訓。而推本於皇極之敷言。蓋敷以言者。示王道所當遵。必推本於皇建其極。則聖天子之以身教也。故三五盛時。帝王皆夙夜禔躬。明和禮樂。以崇儒明道。示天下論者。謂政理之經緯。在學術。學術之講述。在師儒。師儒之趨向。則在朝廷之導率。化行有本。後應乃神。自羲軒以至文武。建學明倫。每親蒞以示鄭重。經典所傳。亦各極一時之盛矣。若夫

聖

聖相承

親以

身教又

親見得

身教者復以

身教倡天下則書契以來未之聞也欽惟

皇帝陛下睿智生知聰明天亶右文稽古念典維勤今

歲仲春敬遵

太上皇帝勅旨釋菜

先師遂

臨雍講學。臣叨掌儀部。跼聆

玉音。首揭大學綱領。而以明德為新民之原。伏考聖經。稱物有本末。又稱修身為本。而聽訟章。以此謂知本為結語。蓋明示天下之本在身也。

皇帝闡發

尼山之意。以欽明為協和之所由。以位育為中和之所致。勅幾日。陸而四瀛景從。豈非以

身教立準。至周易臨卦之大象。孔穎達疏曰。見在上。臨下之義。程子易傳亦曰。君子親臨之象。足見教思無窮。容保無疆。惟大君能以廣被也。

皇帝復推潤澤之理。而廣其說於養賢。以及萬民。夫養賢莫重於太學。養賢之重。莫著於

天子之視學。至

天子視學。而橫經鼓篋之士。曉然知

熙朝育才。將使饜飫乎道德。蘊蓄乎經綸。以宣開濟之猷。而錫蒼黎之福。起化之源。端在是矣。然化

之起也有源而源之發也必有自。黃祇之載博
矣厚矣。山河之脈皆起崑崙而融結者元氣也。
圓象之運廣矣大矣。陽變陰合。五氣以布。四時
以行。而根柢者太極也。洪惟我

太上皇帝

道苞九舜

明出十堯。前聖心傳。千年遙契。是不待臚頌矣。至於

聖學高深。包涵萬彙。凡嫗嫗西陽之祕簡。蘭臺石渠之

逸文。四庫叢編。著錄冊府者。皆

親握權衡。明示衮鉞。雖一字之闕遺。一言之疑誤。披函立見。

洞鑿纖毫。珎筆典校之臣。一經

指示。皆曠若發蒙。莫能仰測萬一也。

聖製詩五集。

聖製文三集。

奎章宏富。衣被垓垓。至今以往。與日俱增者。尚不知當

有幾萬億。上下千古之作者。無此廣大宏深也。

至於帝王之學。與儒者異。非但詞章訓詁。以無

當實用而不貴。卽性命理氣亦不欲空語精微。臣自通籍至今。每跼讀。

綸綍仰見

乾符手握。綜理萬幾。提控廣輪。彌綸陬澁。神明通變。取諸易。咨警告訓。取諸書。闕邪崇正。取諸詩。辨名定分。取諸禮。是非賞罰。取諸春秋。凡聖門之大經大法。師其意不師其迹。知其經兼知其權。用能

執中以馭。百度咸登。

端拱九重。

坐照萬里。無一事不協其宜。無一舉不得其當。即以太
學而論。石鼓石經。修其廢墜。創建辟雍。補其闕
遺。當復古者無不復也。三老五更之傳訛。袒而
割牲之附會。圓橋觀聽。至億萬人之夸飾。雖載
在經史。亦

著論糾駁。不當泥古者未嘗泥也。此足見

聖人之政。即

聖人之學。

聖人之學卽

聖人之教丁巳乙巳

兩蒞成均皆本諸

身者加諸民使九野八紘咸知所嚮方而已迨

授

受禮成

勤勞訓政卽以是為

皇帝教

皇帝深契乎至德要道之精實操乎全體大用之理舉

而措之。又卽以

太上皇帝之教。教天下。本本元元。源流遞行。圓橋觀聽者。仰見

皇帝之虔禮

聖度。莫不知。百家當斥。

孔氏當尊。必嚮然。共趨於正學。仰聞

皇帝之闡發聖籍。莫不知道在窮經。功資用世。必嚮然。共趨於實學。

大化翔洽。良有徵矣。夫方州庠序。不知其幾。而為之範。

者在太學太學絃誦之士亦不知其幾而立之
鵠者在

聖君歷代帝王修是禮者雖多然同一典制文同而實
不同同一宣講詞同而理不同無起化之源故
也。卽唐虞三代之令主。整躬率物。合如符節。道
統之傳。遙遙心契。亦未能躬相接也。惟周之文
武父子一堂。然靈臺辟雍。武王雖及見。鎬京辟
雍。文王不及觀。何若

皇帝以

聖繼

聖教有由來。是真化有其源源有所自。雖與歷代帝王

同一修臨雍之典而

德盛禮隆。負起萬古。惟

今日為最矣。鱗集仰流之衆。徒頌文物之明備。

恩賚之便蕃。是管中窺天也。卽以為前聖之成規。

太上皇帝因而舉之。

太上皇帝之上儀。

皇帝崇而效之。抑亦牖中視日矣。臣文詞奔陋。不足以

揄揚

盛美謹就拘墟之見測度所及者撰論一篇名之曰化源明治統也卽以明道統也若夫

太上皇帝體

天行健廣運無疆強固精明加於曩昔蓋克肖乎穹昊自克承乎

眷顧用能

保佑申命

絲算以長得以

身教

皇帝又能

親見

皇帝之

身教天下

福以

德基灼然可驗信雅頌所祝非搆虛詞從此

景福彌增

宸衷彌劭

萬萬壽稱觥之日。合四海之歡心。以祝
延洪。尤所免藻牝慶。非翰墨所能罄述矣。

詩
謹序

彭元瑞

戊以茂萬物之生。卯以冒天下之邁。後甲先庚
之日吉。左廟右學之禮行。

皇帝欽奉

訓言

躬虔祀事。尊

先聖先師而定一。展釋奠釋菜以加隆。大戴保傳之

篇北門入學。文王世子之教。東序詔書。三綱領冠。

孔之遺。六卦爻占臨之象。道輜至善。民說无疆。理布綸音。

論激緝案。立言根於道積。歸本繫乎君難。

天善言

天。

聖不自

聖聞而播舌。悅以服膺。

恩廣膠序之諸生

賚徧聖賢之後裔。風聲所樹。

雨化以時。巨籍貢成均。獻裏亞聖。竊識槐街之故事。欣

觀芹沼之新儀。竊以孟曰明倫。聖方盡道。際

今日人倫之至盛。真古來聖作所未逢。以

君為

師。上承夫危微精一。于

帝其

訓。下逮於臣庶士民。豐水數世之仁。燕以

翼

子孝經二章之義善則歸

親美盛同賡創垂有緒堯舜之書非二典萬古勲華文
武之聖合三王一家作述賦陳其事頌美諸容
篇臚三什之壤歌韻統六同之

奎製蠅聲鳴蚓竅請業或附於執經牛鐸應圓鍾率舞
敢諧於依律其詩曰

立教尊人極明倫在講堂

治純彌宙合

聖慕見羹牆。盛典因時舉。鴻規視古光。賓門越祁帝。米
廩昉姚皇。釋奠釋菜制。於論於樂章。禮家如聚
訟。親見上儀勤。右總敘
元日萬方會。

傳心盛一堂。

龍飛恭

受璽。鼇抃賀循牆。

天更九重燠。

日惟兩作光。榦枝符再禪。

創

守績

三皇虞典匪同姓竹書空舊章彼哉唐與宋悖史德何

彰

右

太和殿

傳寶

不息

天行健久標

四得堂乾元統

君

父師教守門牆調幕衡尊味求衣庭燎光

示模心疊疊。

承

訓語皇皇。揆一同先後。朝三卽憲章。丁寧善聰聽。曾未

倦勤勤。

右

躬承

訓政

元善

長春館重華

繼德堂格

天告匏壁協

聖契宮牆震出因來福謙尊益大光

道師合雜紀

治瀆禪通皇億兆臣隸滋京垓計部章

化裁對禹問

仁以得

人勤

古

聖德

天子孝恒異丕基肯構堂

承

歡鶴禁陞養正虎闌牆紀號靈臺行鶴文園府光奉卮

端冕

父前馬綵衣

皇志養無言領誠孚不見章。天明而地察三載久逾彰。

右

聖孝

昭仁曾

播什資善對開堂。

家學能通究書聲不隔牆。七週聯藻韻四庫校藜光筆。

法臨泉醴

詩函遡澗皇修來敦載道博約陋尋章。義豈殊連者。

訓文

訓政彰

古

聖學

類禮與望徧儀禮守高堂既以初基歲來瞻美
富牆義娥騰壁彩

丘

澤炳蕭光裕享崇先

廟馨香景德皇春祈措珪邸亥藉籥幽章

視學鴻文舉儀偕

文閱彰

右元年以來舉行大典

天子辟雍地先師教化堂膺圖歲初做講學道

藩牆五帝詳遺制

三朝觀耿光著雍

臨國子週甲肇

天皇諄

訓育才詔攝銘

紀事章權輿六十載兩舉

化成勤

右乾隆三年

御極

臨雍

再觀

寫旗益生徒夾六堂明辟和雍初考宅塗墍旣勤牆遂

詠雖雖在羣依

穆穆光陪臣列所衆碩老拜

春皇兩帙

論千古七言

詩四章怪它更老說班周蔡邕
諺詞彰右乾隆五十年

科雅告成

陸雅

六齡初鼓篋

八五歲堂堂已協元年卜無慙

夫子牆春當行典祀旦迺望

清光舊學

恩師傅者年

念

祖皇上稽軒溯虞。旁訊亥兼章。自有辟雍日。疇如盛際

彰右乾隆六十年釋奠禮成

御辟雍

慈命循隆軌。如聞詩禮堂。憶隨

巡魯蹕曾

謁背洙牆屬。屆春秋奠。仍昭牲幣光。先丁因后土。次戊

避東皇

本年上戊日春分
社稷壇同日故用次戊兩祭連舉因
朝日壇與

用次丁癸正年禮以時為大教因民用章酌斟

彝憲合雅嫩率由彰

右

躬祀

先師

君師一人作春殿讀書堂聽者皆圍水觀之若堵牆明
新至善要地澤知臨光

杼論書通易

數言極建

皇藏時登壁府

頌處耀

奎章遙括同文寓咸知

帝學彰

右

臨雍講學

明德於何驗。生初虛白堂。涵元真是鏡。蔽惡有如牆。心府靈瑩宇。天君泰定光。其惟成性哲。不負降衷皇。太極函三義。開宗第一章。欽明克峻德。

聖詣協

堯勤

右明明德

民豈能新者。機由九尺堂。方圓孟置水。中辰景隨牆。要識感通理。何殊內外光。小人惟偃草。多

士共思皇從又端時憲昭明致辯章本來有同得

治洽大同彰古親民

至善明新極培基必自堂須知虧簣地莫限及
肩牆已德務丕顯民心胥近光知承諦曰帝備
天地為皇

南面修旒旌西雖

勛掖章能行此三者大學蘊全彰古止於至善

麗澤象為兌教垂講習堂有來容入並無類肯

鹿牆壯學冬餘力。童蒙日出先。起予情悃款。誨
爾意方皇。弓冶箕裘喻。菁莪棫樸章。澤宮晨入
聽。

教思

大君彰

右教思无窮

無疆下報上。羔酒上公堂。始信萬年牒。惟屋五
畝牆。黔黎瘝在抱。箕畢好希光。富媪原為母。神
農得號皇。有容郊尹命。如保孟侯章。厚載廣生
象。

勤民

家法彰

右容保元種

淵源一脈接。述德肅顏堂。嚮往四言榜。尊嚴數
仞牆。生民人拔萃。師表道垂光。羲畫欽

仁祖克文仰

憲皇真參天地極。更麗

日星章。內聖外王貫于

今奕葉彰

右

三朝宸翰匾額

金絲先有宅。飲射卽斯堂。上棟黃鋪瓦。旁翠紫

界牆中央純正色通理化含光殿閣偕宏麗

郊北

壇右並喬皇鑪煙碧一縷庭柏綠千章學記師堪喻水

成五色彰右

聖廟

詔易黃瓦

王者征無戰王師正復堂八黃歸戶聞四極衛

墉牆馘獻成斯受碑森武有光

知幾通孔繫奏凱烈軒皇辰戊

全川 戌 甲 巳 申 丙 非部 巳 回部 申 丙

金績酌桓般賚章卽看駢執醜九伐

國威彰右武功告成四碑

魯齋遺澤古手植暇登堂街廣名槐市陰濃覆苑牆盤根世中統擢穎歲重光時至醲

膏澤春來應發皇繁枝栞績畫嘉蔭

錫詩章樹木人兼樹栽培格物彰右古栞重栞

昭代鼎彝式諸生車服堂稱先由問廟考古不騎牆紋辨雷回蔚銘蟠螭匾光分封傳魯社制器認姬皇詎以矜魚雅非惟耀采章從周

先聖志陳几寸心彰右

頤周范銅器

越歲大淵獻重瞻新廟堂豐碑崇石礧虛榭敞

匡牆行地。江河遠。經天日月光。開文自軒昊。論道等庭皇。見志微而顯。為經婉以章。何言贊。

孔子

孔子得彌彰

右重修

文廟碑記

疏通八窗室。方直四阿堂。十字橋連廡。一規水
繚牆。圓靈天法象。肉好璧輝光。豐邑民來予。鶴
京烝詠皇。金元明未備。庠序校為章。復古不泥
古。嘉言

聖孔彰

右創建碑

周宣遺獵碣岐狩坐明堂四爾陳倉白魁然祭

酒牆韋

應物

蘇

杖

徒獺祭迪

潘

慎

楊

祇螢光

文壓退之退制高皇慶皇舊新留共壽

聲振集成章

耆武右文治灤庠度竝彰

右重排石鼓

務本坊南舍鴻都洛下堂羣書磨大石遺蹟付

頽牆必俟

昌期會方騰典籍光談經啗虎觀鉅木小開皇

字勒岫嶽篆

文裁洪範章。講筵聆

御論。闡理繼彰彰。

右石經

十全羸紀績。

五代補名堂。成誌六言璽。均

題四印牆。羣籤尊聖籍。大寶發天光。堅玉榜闈產。朱文

篆史皇。韞函香案左。鈐額石經章。祕庫橋門上。

流虹徹夜彰。

右未章經學之寶

外史掌方志。言堂必滿堂。用徵官所署。毋俾面
於牆。規約師生守。源流禮樂光。遠稽燧人氏。近

建至元皇。邳治存方策。徽圖系取章。聲明文物

代。後盛更前彰。

右集修太學志

世公今舞象。四氏昔升堂。閣老前宣席。黌師退

負牆。

沛恩班有等。觀禮

國之光。宮幣黃封濕。朝衣朱芾皇。精鈔人一銀。嘉燕雅

三章。最幸增條桂。秋風姓字彰。

右

思齋

辦香鄒國座。分獻獲躋堂。敬慎希觀井。恣愚免

望牆。起家鄉選貢。注籍

殿依光至矣恒欽

德唐哉疊贊

皇里詞慙固植廣樂聽

韶

章期與橫經士和聲

文治勤

古總收

詩

沈初

聖承

聖訓

道洽

誠孚鴻儀彪奕。

闡澤涵濡彝倫攸敘。

文命誕敷用熙丕績式廓元模。

祇敬

先師

盛德相符率由成憲輯綏

帝圖萬流仰鏡百辟承趨湯湯辟雍祁祁生徒陶淑

雅化千羽詩書

立謨定典。光夏超虞。於時仲春。惠風和美。菁莪在阿。新
萍泛沚。樂我

皇道。烝我髦士。

帝有思言。遵奉

勅旨。乃召秩宗。乃詢柱史。乃練時日。乃攷典禮。俾聞風
者。欣焉至止。俊乂驚立。儒臣鵠峙。洋洋縉紳。偕
偕士子。瞻就

雲日。觀光槐市。惟

聖建學。恆久如

天壁園水匯圖書之淵以明以和宏規無前門設八達
堂度九筵飛檐嶽嶽清流涓涓綠槐蔚秀碧藻
相鮮精廬綺合材館雲連廣延國胄樂毓英賢
獵碣

重排石經

賜鏤

立極八埏

垂教億年

錫福

皇躬彌時仔肩

鑿與夙駕時乘六龍
聿伐鼉鼓聿鏗華鐘
鈞陳肅衛
霓旌拂空

鳳蓋參麗鸞聲玲瓏
警蹕清穆天官景從
廣衛似砥微
塵扇風煌煌
扈扈翼翼雍雍

詔開橋門視周聽聰

恩眷成均

澤遠聳宗卿雲霽萃
晚日曛曛

皇帝莅焉禮行

丹殿蘋蘩以湘黍稷式薦周范燦登器古非膺

頌自祕府光函敦甌簫管迭奏盡美盡善一字一音訂

訛作憲秩秩左右濟濟俊彥佾羽容靚虞業彩

絢奉璋執爵兩廡分獻几筵致虔典型如見

夫子之牆入聖之門

展謁眸容佩德履仁體符

素載

知啟見聞

鏡宙納軌

調幕運鈞欽惟

聖學萬景陶甄

受寶之歲邁立肅親載修

祀典禮意彌敦

心源契合

盛儀是循爰

幸上庠載

觀東序崔巍棟宇綿五堂廡

膚功

十全勒石紀

武

慶榜八開題名列樹經訓麗日

宸翰炳炬道德淵藪文藝林府放彌藏密周規折矩惟
太上皇化成六字

皇帝適承丕揚

鴻緒

聖覽周備

講座穆皇覺彼後覺大義聿張理扶其興

教率厥常

皇極是錫

嘉言孔彰。綜括體要。性道文章。旁搜遠紹。入室升堂。大學至善。明新挈綱。義經教思。容保元疆。

闕論崇議。卑漢薄唐。郁郁巍巍。

數乃大訓。鴻儒鉅秀。快覩圓聽。

躬踐聖域。手握軒鏡。開聾發聵。金聲玉振。環林揚芬。圓

海增潤。需雲布

慈承筐繼進。三舍聿升。裔姓有慶。賢書特擴。

國子監志

卷七十七

鹿封通冊

七

恩渥靡竟協氣旁流祓濯忻詠書圃翱翔禮園游泳棧

樸化茂芹藻芳映凡諸衿佩服膺儒行沐浴

膏澤同愛合敬巨蒙

寵遇日侍

禁廷仰惟

聖哲文炳寰瀛

重華協

帝庶績既凝

尊

親孝養恪恭稟承欽法

素王禮容樂聲無思不服盛軼鎬京日媚月窳藹藹
蒸蒸籥槃知陋彝管抒誠思繼二典勒為一經
億萬斯年敬頌治平

學典

禮序

周興岱

皇帝嗣統之三年德邇道淳淵耀闡繹北燠南場人文蔚起

九重秉

尊養之訓四海達

釀懿之歆於凡

國家大典大禮如禋祀

天

地醜格

太廟敬禮

社稷

日月

躬耕藉田以及

經筵敷講上塞

巡行文武經緯之具。茂不以次選舉本

帝心之宥密。成郵治於萬恭。猶以

作聖有基。莫大於

視學。化民有道。莫先於

彝訓。崇儒重學之規。虞夏商周以來。未有不兢兢致慎

者。爰以仲春之月。日維丁未。敬奉

太上皇帝勅旨。昕夕齋戒。太常備法駕

釋菜於

至聖先師孔子。遂

躬臨辟雍

講大學聖經首節及周易臨卦之大象自王公卿尹聖

賢胄裔以及紳士庶民莫不祇敬拜跪園橋門而觀聽皇皇乎大典也禮儀既成雅頌斯作臣

備員春官詳繹禮意竊以帝王之所以繼天立極者惟學為最重臣子之所以紀載功德者惟學為最尊尚書自說命始言學然欽明文思直溫寬柔無非學也其策則惟堯舜之書尊之曰典以其為萬古所同尊也是以孔安國書傳云

典者百代常行之道。孔穎達疏云：堯舜之德於常行之內，道最為優，故名曰典。爾雅釋典為經。說文以典為陳帝德之書。廣韻訓典為法義，皆從同。臣幸陪

法駕管窺蠡測，作文一篇，名曰學典，敬以揚盛美於萬一云。

蓋惟

皇穹布化，二儀幹運，春佑

大聖，錫之典常。

作君以覆冒萬方卽

作師以陶淑庶類

人君之所為斟酌化原恭己淵穆者天德也睿哲之聖
必由學以達之所為彌綸當世模範闕業者王
道也光被之治必由學以充之制作之隆典章
之備實大則聲宏道高則典著伊古以來未有
如我

聖朝之盛者也洪惟我

太上皇帝睿聖天縱聰明日躋法

吳絳之健行躋瀛寰於仁壽既已備

十全之偉績膺五福之禎符爰於久道化成之日運神明之矩垂久大之規

命於國學建立辟雍司事者未知規制之所宜則披圖

考古親運

聖裁以指示其範模良維地高無水可引則

命濬井汲泉澄泓演蓄以上符於古制旃蒙大芒駱之歲辟雍告成矩矱嚴肅實千有餘年未舉之創

典乃

親祀事於

聖殿備禮和樂精意識格乃

臨辟雍

講仁敬孝慈信之章及乾行不息之象振噴發蒙萬國

聽觀典之大也如是嗣是

親排石鼓字為十章重摹精刻列於門廡

命校正蔣衡所書十三經勒之貞珉冠以

御製說經大文皆經典所未備先儒所未發之間與日

曜星明昭示萬世誠包軒軼矯超越殷周之盛

典也

皇帝撫鼎運炳離明躬承

太上皇帝睿訓敬迓

上天庥祉虔惟

大聖人斂福念徵自強不息惟日孜孜之闕旨奉為法

範精心劼毖紹繹無間一如惟精惟一允執厥

中之訓重華之上契乎放勳也爰遵

上聖視學之成憲萬世所當常行者稟

教訓而敬行之於昭旰蠶神斯格也玉帛笙簧儀斯飭

也萬官陪位循舊則也章縫踊躍并

至德也萬邦從風遵

皇極也

景福鴻臚時萬億也敬仰聆夫

聖訓於明明德見道之大原協於

天於新民見物之恆性綏於

帝於止至善見萬世無斁之規必衷於

君德至若教思無窮之解何殊於六府三事之勸歌容

保無疆之道何殊乎於變時雍之格被誠所謂

集千古聖學之大成。觀會通行典禮。而南北東西無思不服者矣。以視昔者。未遘睿宗。成均虞庠之制。司徒樂正之官。春秋禮樂。冬夏詩書之教。以及學記入學釋菜。文王世子始立學釋菜之文。且如靈臺辟雍。言文王之學。有聲辟雍。言武王之學。王制辟雍。泛言天子視學之禮。所謂道德以是而積。儀則以是而墮者。曾何足與。

今日絜盛也哉。而兩漢之三雍宮。唐宋之廣學生弟子員。建立未精。禮意靡遠。益不庸同日而語矣。於

是王公大臣虎闢貴胄敬起而獻頌曰於鑠

帝德緝熙重光孜孜學問日進无疆祇承

訓政巍煥惟章闡敷

至教覃及萬方於是文武百僚恪恭將事敬起而獻頌

曰三光朗朗萬邦循職廣運無垠維

皇建極又用三德平康正直於昭學宮雲縵五色於是

聖賢後裔橫經嗣訓敬起而獻頌曰

道德穆穆

雍宮閑閑

九重至聖。辰旗莅焉。俎豆簠簋。

教思閔宣。

恩榮廣被。萬禩億年。於是俊乂。譽髦詠歌。舞蹈敬起。而獻頌曰。東有箭兮。南獻琛。槐之市兮。鬱成陰。我皇布德兮。萬國謐。

辟雍海流兮。

六飛臨。煥絲綸兮。沛德音。荷。

陶鑄兮。洽黎黔。於是環海芸生。含和飽德。敬起而獻頌。

曰。

皇化所孚海隅出日崇文講藝維民之則

天生萬民彝性懿德我

皇道之勞來輔翼允蹈斯文惟

皇之極於是朝貢侍子梯山航海敬起而獻頌曰東風

從律海波不揚重譯以至近

天子光赫奕軌度周膠虞庠景慶協魯麟鳳致祥合天

大圓

聖謨洋洋由斯觀之百度貞於上羣心孚於下然則

聖

聖相承以典學而垂為學典。昔儒所謂百代常行之道。為經為法。孰有大於茲誼者乎。庸詎周官所載。治典事典。可為倫比。書曰慎徽五典。五典克從。蓋洵乎其克從也。又曰天敘有典。五典五惇。蓋洵乎其惟惇也。

雅

謹序

平 恕

臣謹案虞書九功惟敘。九敘惟歌。左氏以為九功之德。皆可歌也。謂之九歌。九功皆謂之德者。蓋本於聖神文武之德。皋陶謨又析言之。而以

四德教胄子。教胄之命合於典樂。申以詩歌。所謂勸之以九歌也。竊意勳華盛際。備有篇什。以揄揚巍煥。振德斯民。第未有雅頌之名。至周而辟雍諸詩。定為大雅。然則歌九德者。宜歌雅也。我

皇上體乾德之元。膺吳德之

命。懋修念典。日新又新。元年上丁

親祀上庠。三年春復

詔臨雍講學。於時衿篋之士。耆耄之儒。相與稱曰。古視

學之禮。什百存一二。三代而後。無足觀采。我朝尊師重道。振古莫饒。

世祖皇帝。肇造區夏。載戢干戈。首舉

臨雍禮。以示敷洽。

聖祖

世宗。告功勒成。垂耀萬古。牲幣之薦。史不絕書。加隆三獻。晉爵。

五王。改平立不跪之儀。定稱幸為詣之制。

太上皇帝。詔崇黃瓦。鼎飾廟堂。釐正榜額。頒周範彝器。

勒石經十有三。太學承德府學皆刻新石鼓十。
創建辟雍。

翠華臨講。規制大備。茂矣美矣。

皇上繼天出震。紹統君師。操之為至德要道。而發之為
盛德大業。在岷庶聽觀之中者。循厥大端。可略
而陳焉。克明峻德。斷自克典。允執遞咨。演為心
法。虞受終於唐。而非繼體。夏與賢於子。而非倦
勤。上溯碧虛。下汽懷斗。雖迭辟繼道。而盛事莫
徵。

皇上協德重華迪

天格保

軒皇之紀周甲

堯父之命重申丙辰正月上日

授受禮成傳精一為燕翼繼文思為作述天下莫不殊

身戴聽以承德意軒舞鼗鼓極於青北九陽荒
邀之所際此宜歌者一也古國學養老為其近
親乞言憲典所以教孝夫尊親之至莫大乎以
天下養

皇上承

歡導豫視無形而聽無聲當始

命踐阼之初據誠上懇

額尾

百齡而後舉典

聖志既定

穹聽既孚遂勉奉丕基勤思肯構養

志之大也率作省成兢兢業業善述之明也叟筵重舉

宴國老庶老八千人

輦行慶雲布雨沛錫類之仁也

大德受命敬敬教愛奉

曼壽於億萬斯年廣

孝治於垓垓四極而適饌省醴執爵袒割之彌文擯而弗取此宜歌者二也

太上皇帝與天合德剛健粹精顧誤寅承六十餘年如
一也

皇上欽崇昭事昧爽丕顯春而

祈穀夏而

皇朝通志 卷一百一十一
禮制通考
四
零雨冬則大報奉若對越有嚴有恪至若禋宗望秩皆
誠敬之推格契昭明之有融

天佑一德全付所覆無思不服此宜歌者三也詩靈臺
言民始附繼文以下武繼伐以有聲皆以繩武
通追為立學教民之本

皇上虔奉

詒燕祇承

世德

寶錄大訓日切紹聞率典迪光本諸

家法故能受萬年之祜。來四方之賀。此宜歌者四也。
太上皇帝宵旰勵躬。乾惕勵心。海隅出日。丕單稱德。
皇上懋昭建中。握幾表矩。疊疊穆穆。為綱為紀。日奉
訓於

膝前。而措諸四海。流行速於置郵。廣運格於上下。此宜
歌者五也。

太上皇帝敷大德於天下。普免天下正賦者五。普免天
下漕糧者三。普免天下積欠者一。其餘蠲賑貸
予。動以億千萬萬計。雨暘應乎

念用豐綏極於邊屯

皇上猶視之如傷保之如赤

蹕路所經輒有賜復徧隅偶歎

恩命疊宣至若軫輓運之微勞念偕作之織效普加除
豁兼及來年若司祿益食司金益富民用大和
徧為爾德此宜歌者六也古者執訊獻醜必告
於學

太上皇帝邁湯征之十一軼夏服之五千拓疆海西洗
兵天外大凱迭奏通譯數萬

天章勒銘豐珉林立餘若土爾扈特安南緬甸廓爾喀
之歸降啖咭喇荷蘭之朝貢番回逆黨之殲滅
咸弗肯侈大其事且堯舜之禪也內有寤寐鑿
齒大風九嬰之屬以為民害外則苗民逆命頑
弗即工陳師舞羽僅乃勝之嘉慶初元有苗弗
率越載而擒渠擣穴迅即蒞功武有七德保大
安民此宜歌者七也政教所始肇自泰皇堯立
四學煥乎文章舜作米廩上庠下庠夏校殷序
三雍以興文王都豐有靈臺辟雍武王都鎬有

鎬京辟雍皆以敦化善俗振民育德

皇上備

垂裕之

成憲光復旦於

重明紹天闡繹單心緝熙千聖合符萬流仰鏡猶且

躬蒞澤宮橫經講貫發聖學之綱領體咸臨之貞吉用

以新民德而廣教思止善故德盛有容故德大

此宜歌者八也

太上皇帝壽考作人化成久道開制科舉經學春秋登

俊四十餘科。熱河安西皆立學校。川無淪玉野
無伐檀。

皇上肇登大寶。首開恩榜。增鄉會試中額。及弟子員。興
廉孝之舉。廣選造之途。苗民之秀者尚欣欣思
泮水之樂。守吏既為之上請矣。翮彼飛鶚。懷我
好音。視期門羽林。咸受經業者。廣隘何如。化成
之盛。實基諸此。且所謂至德敏德。孝德以教天
下者。莫不夙夜劬勞。以
躬先之。是以天下是訓是行。近

天子之光洵可以通德神明同龢天地此宜歌者九也
昔葛天氏之樂也八士操拊而歌八章一曰載
民二曰元鳥三曰遂物四曰奮毅五曰敬天常
六曰達帝功七曰依地德八曰臨萬物之極蓋
各為題目以歌詠馨烈少昊氏之九淵高辛氏
之九招始以九紀虞氏因之箫韶九成九成者
言九德也九成之樂辭曰每張辟雍鶴鶴相從
八風回回鳳凰喈喈樂成而朱鳳至也然則有
虞氏已稱辟雍授受之代厥典綦重夫有榮懷

之慶者必有恢蕩之音。有時雍之理者必有蘇平之奏。然後豐功駿德炳耀穹壤。臣幸覩盛儀。并舞詠。蹈不能自己。謹擬九成之辭。以歌

天子之九德。一曰

授受。二曰

尊養。三曰昭事。四曰紹衣。五曰勅

天命。六曰固邦本。七曰告武成。八曰揆文教。九曰成萬物之化。仿葛天氏之歌之意。而諧諸雅。拜手稽首獻焉。其辭曰

圓流

辟雍創自

聖皇紹媯之隆廓姬之疆萬福億祉願行

上蒼治周攝提以

授元良我

皇受之

舜子

堯父牖我下民斯匡斯輔匡之維何陳彼紀綱輔之伊

何敘彼五常有媯之興雍歌成章惟

皇緝熙作人用光 一章

亶聰惟

皇協于文思止敬止孝作

君作

師以天下

養罄無不宜以天下

尊如天巍巍陋儒泥古更老異說

聖聞其謬禮本昭揭至德要道曰以孝治凡爾庶士毋

忘陔詩凡厥庶民純其藝中蓄大昕鼓徵申啓

爾斯 二章

明明在上。牖民孔易。

天監在下。小心昭事。何以事之。惟誠不貳。惟敬作所。惟中和是致。

聖有先覺。先覺覺民。圓橋觀聽。各懋日新。

天錫

皇帝聰明睿知。典學尊師。盛禮咸備。禮備學成。於論在肆。於樂

辟雍代

天劄。三章。

猗與我

朝道隆

先聖

五王追爵。三獻著令。肅肅拜跪。黃屋輦映。周范敦彝。
宮懸笙磬。

詔稱

躬詣冊不絕書。集鼓勒經。為多士模。惟
後先合揆。克紹厥盛。伊昔初元。

親祀昭敬祖述憲章敷我文命

世德作求洽於民聽

四章

敕天之命一日二日萬幾中昃不遑食未明求衣昭哉

嗣服鞅丕丕基祇適

彝訓以式九圖

乾德剛健高明悠久從心不踰矩

億旬初九媯傳心法始著危微孔演厥旨溯堯曰咨協

于克一聲教四馳自南自北自東自西

五章

惟民生厚因物有遷既富方穀皇極之敷言正

供五兔。漕糈三蠲。賑廩復租。動逾萬億。千既富
既教以貽

天子瞻彼比屋。百室盈止。

皇曰保惠。曷有極焉。予宅而宅。予政而田。沐我洪恩。報

我豐年。明我乂民。歸我蕩平。

六章

有崔者碑。載告膚公。自朔漠青海。冒丹穴太蒙。
繫金川再犁。繫西域壹戎。隴種東籠。歸我煮饔。
於赫

聖武

詩

鐵保

延洪

壽寓熾而昌

作

述兼隆至治彰

一德傳心同一道重熙陳教煥重光懿哉茂典修

昭代偉矣宏規仰

聖皇御世綏猷先建極本身作則用頒常

聰明時憲由

右文。雲漢為章。八章

惟

受命溥將。惟

尊親行慶。惟顧諟克敬。惟適駿有聲。惟優優布厥政。惟
熙熙和厥氓。德威惟畏。德明惟明。九德咸事。黎
民敏德。教思無窮。用錫爾極。上及太清。下及太
寧。惟

帝光被而天下化成。九成者韶。九招者樂。臣作九雅以

贊蘇乎。

皇纘其緒執訊連連苗頑即斂

皇帝撫謙弗肯勒功昭哉義問暢以仁風溥天率土莫

不來同來同德讓于彼西雍

七年

春風載柔春日載陽濟濟多士槐市成行

駕六提羽祇車雲翔

睿容有穆益于宮牆獻爵舍萌籥舞笙鼓既備既戒式

禮卒度迺

臨辟雍辟雍湯湯命彼師儒秩節是詳金聲玉振

聖謨洋洋猗與

天。靈。淬。厲。

宸修益自強。四庫肇興羅竹素。三江

嘉惠貯琳琅。鑑批獨具平衡妙。禮定何勞聚訟忙。

盡性真源歸宥密。

崇儒鉅製聿輝煌。賢關首善甄多士。師保尊嚴契

素玉。國學久隆文。已炳。辟雍創建德彌洋。經營復古

工。丕作通變。

從心式俾臧。鑿井引泉來汨汨。旋邱成壁泛湯湯。流源

似海。

皇流貫澤本名宮

帝澤長池簇清漪周四達

殿開穹宇麗中央詩陳鐘鼓徵諧變史記橋門漫
頡頏規矩同符參德行乾坤合撰應圓方遠迨
豐鎬堪相駕近溯元明得未嘗五百年來登闕
典八千春永燦

鴻章字排宣碣輝星斗說正秦權掃粃糠范錫古銅苔
暈碧翬飛文瓦赭凝黃珉碑

刊定憑貽楷山骨雕錫允漱芳得所雅歌宜宴饗含和

嘉什叶宮商。笙詩補後音。胥協琴譜編成。謬必匡。特磬在懸。希夏擊。罇鐘撫。鑄奏鏗鏘。由來

洪業昭雲漢。自有元音召鳳凰。程式通經輪徧歲。

思加者俊髮如霜。

特科連綴春秋榜。上室咸登禮樂場。

四得顏楹承錫羨。

八徵寶篆凜加葢。

純禧五代開千葉。

泰運三元集百祥。

健協乾行恆廣運麗占離照繼

當陽

曼齡燕翼恢釀化

世哲龍飛管懿綱

付畀誕隆調玉燭

仔肩克荷握珠囊親聆

庭訓懷黎赤上溯

心源答

昊蒼首重劬農

躬耒耜更殷勸學

詣膠庠載瞻黌序彝章穆詎第

經筵理奧揚

質秉徇齊全性始

功深遜敏析微茫看山自昔須登岱觀水于今必匯滄
家法尊

師循典憲人宗盡禮覲宮牆

展誠先日勤齋祓諏吉臨期謹裸將大丙祇承儲羽衛

仲丁

冥命萃冠裳。天街碧柳初舒帶。上苑倉庚乍弄吭。鯨響

晨傳

升玉輦。鸞聲曉發下

璇閣靈鼉鼓。動勾陳。整翠鳳旗。飄華蓋。昂庶職。駕班
紛扈從。九達蟬冕遠相望。成賢街左青袍迓。持
敬門中絳燎揚。燭潔牲牢森鼎俎。駢羅彝器綯
琮璜。來歆有象

誠孚隱奏假無言

德薦香奉厥明禋

欽念壹肅然瞻拜

眸容莊金昭玉粹符

恭壽雲潤星輝迪吉康廣庶豆邊陳翼翼崇牙虞業騁
趨趨具察聯事分持筆髦士攸宜恪奉璋三獻
維馨通肝鬢六成間作闋芑簧既終祀典移

清蹕迺

錫敷言莅講堂大次更衣真穆穆威平奏樂又噶噶緇
帷質對纒如晤

黃幄崇嚴已具張

寶几迴依丹地設牙籤徐展綠緋裝運隆九五

君師統人列三千弟子行就日儒林方濟濟瞻雲同海

正決決

訂謨闡繹霞蒸彩經義昭明斗耀芒槐市春風披縹帙
杏壇化雨潤青箱理參容保苞符洩道洽明新

妙蘊藏悉本

大猷提要領爰開來學

示梯航榮光璀璨迎

仙仗佳氣氤氳護

御牀聖裔賢孫齊拱侍
羣公常伯慎趨蹌
試觀絳繅
巾車滿自覺歲毅劍佩瓊忻際

右文崇軌範奚煩稽古造舟梁
虎闌扞藻奎垣燭鶴案
凝輝瑞靄颺殷禮告成昭大備

德音敬聽矢毋忘爾時早慶

榮施渥竣事旋覃

閨澤霧萬騎星迴爭沛艾

六龍電轉畢騰駭

駕還宮闕卿雲諱

號渙絲綸湛露灑內府儲珍和法膳容室

賜譙飲瓊漿

九重天上頰

頌帛百辟班中各舉觴宵雅肄三功以勵月要免一例

無妨成均志喜垂麟炳藝圃沾

恩徧秀良芹溢芬菲思樂泮梧添萋葦盛鳴岡成材有
造期楨幹待用交資蒼桷采淳化殷流歌戩穀

丕基式固筮苞桑

皇州懿鑠休滋至

聖主淵冲讓未遑歸嫩

軒宮綿景福

纂隆虞館茂元慶

昌期累洽躋義皞故事徒沿陋漢唐

復旦光華常爛漫大昕秩節倍周詳三雍倬彼仁為宇

六幕禕而禮作坊世宙在鈞神鼓鐻

化工秉尺妙裁量豈惟擣耀文章府從此偕遊質行鄉
人識廉隅遵義路家知吟誦富書倉昭融本體
珠同握雕琢精能玉共相

孝養臚歡輝檢牒

智臨合

德鞏金湯旁求俊乂收葑菲覺悟羣蒙滌秀根緒接干
秋探美富又兼三德劄柔剛生徒揚托僉濡管
侍子間關佇奉筐咫尺近

天胥悅服廣輪擊壤任徜徉小臣忝職冰廳佐

盛典榮依

黼座旁觀禮壬林增抃舞捫心寅直切慚惶誓宗捧案
度陪列壁沼超筵勉贊襄私慕雅音賡棧樸敢

呈末技賦長揚

化成久道超三古

光被時雍訖八荒是訓是行倫紀飭於論於樂太和翔

蘿圖

鴻藻欽丕懋葵向微忱幸滿儻億萬斯年

文教普

緝熙純嘏頌無疆